



Broj: 03-49-1-2043-4-3/09.

Datum: 19.10.2009. godine.

Na osnovu člana 33. Statuta JU Služba za zapošljavanje ZE-DO kantona, člana 17- 21. Pravilnika o mjerama za podsticaj zapošljavanja i Odluke Upravnog odbora JU Služba za zapošljavanje ZE-DO kantona sa 6. sjednice održane dana **19.10.2009.** godine. JU Služba za zapošljavanje ZE-DO kantona **objavljuje**

JAVNI POZIV

poslodavcima za sufinansiranje podsticaja zapošljavanja VSS pripravnika u 2009/2010. godini

Za podsticaj zapošljavanja VSS pripravnika Vlada ZE-DO kantona je iz budžeta osigurala sredstva u ukupnom iznosu 540.000 KM, a iz kojih će se putem JU Služba za zapošljavanje ZDK, finansirati zapošljavanje:

- 100 VSS pripravnika u trajanju od 12 mjeseci sa subvencijom neto plaće u iznosu 450 KM, što po osobi iznosi 5.400 KM godišnje, odnosno ukupno 540.000 KM za cijeli program.
1. S ciljem što pravednije raspodjele podsticajnih sredstava, Služba je ista rasporedila po općinama ZE-DO kantona uz primjenu odgovarajućeg ključa raspodjele. O utvrđenim kvotama pripravnika poslodavci se mogu informisati u nadležnom Birou rada.
 2. Pravo na korištenje podsticajnih sredstava po ovom javnom pozivu imaju poslodavci sa područja ZE-DO kantona i šire, osim poslodavaca koji primjenjuju Zakon o državnoj službi kao i Zakon o policijskim službenicima kod zasnivanja radnog odnosa
 3. Zainteresirani poslodavci svoje prijave će podnositi u sjedištu Službe u Zenici ili, prema sjedištu firme, u nadležni Biro rada, na obrascu kojeg mogu dobiti u sjedištu Službe u Zenici, općinskom Birou rada ili na Web stranici ZDK.
 4. **Uz prijavu je potrebno priložiti:**
 - uredno popunjenu prijavu na javni poziv,
 - izjavu poslodavca da će sufinansiranu osobu – pripravnika sa VSS zadržati u radnom odnosu najmanje 12 mjeseci,
 - izjavu poslodavca da neće otpuštati postojeće zaposlenike radi zapošljavanja pripravnika, osim u Zakonom opravdanim slučajevima,
 - ovjerenu fotokopiju rješenja o upisu firme u sudski registar ili u drugi registar u skladu sa Zakonom,
 - potvrdu PIO/MIO o izmirenim dospelim obavezama za postojeće uposlene za zadnji obračunski period,
 - potvrdu Kantonalnog zavoda za zdravstveno osiguranje o izmirenim dospelim obavezama za postojeće uposlene za zadnji obračunski period,
 - potvrdu o izmirenim obavezama na ime doprinosa za slučaj nezaposlenosti za postojeći broj uposlenih za zadnji obračunski period, koju će, po službenoj dužnosti, obezbijediti Služba.

5. U postupku bodovanja i rangiranja prioritet će imati poslodavci koji do sada nisu koristili ovakva ili slična podsticajna sredstva ili su pak do sada koristili neki od vidova podsticajnih sredstava Službe, Federalnog zavoda za zapošljavanje ili drugih organa ali su iste uredno i izvršili.
6. O rezultatima oglasa podnosioci prijava biće obaviješteni od strane Službe ili nadležnog Biroa rada, a poslodavci čije prijave budu pozitivno riješene bit će od strane Službe ili nadležnog Biroa rada pozvani da u određenom roku izvrše izbor pripravnika i zaključe **tripartitni Ugovor** između **Službe-poslodavca-pripravnika**, nakon čega se isti dostavlja nadležnom Birou rada, sa slijedećom dokumentacijom:
 - ugovor o radu na određeno ili neodređeno vrijeme, koje ne može biti kraće od 12 mjeseci,
 - prijava zaposlenja – obrazac M-1,
 - uvjerenje o prijavljenom prebivalištu pripravnika na području ZE-DO kantona ili fotokopiju nove (CIPS-ove) Lične karte, kao dokaz da je pripravnik najmanje šest mjeseci prije javnog oglasa imao prebivalište u ZE-DO kantonu,
 - uvjerenje Biroa rada da je konkretni pripravnik evidentiran kao nezaposlena osoba.
7. **Način sufinansiranja neto plaće:** Služba će refundirati poslodavcu utvrđeni iznos neto plaće na osnovu podnesenog dokaza odnosno Specifikacije o isplati plaća i doprinosa na plaće i iz plaća, a koja sa prednje strane treba biti ovjerena od Porezne uprave, a na poledini potpisana i ovjerena od strane poslodavca i potpisana od strane finansiranog pripravnika. Ovaj dokaz poslodavci će dostavljati u nadležni Biro rada do petog u tekućem mjesecu za prethodni mjesec.
8. Ovaj javni poziv ostaje otvoren deset (10) dana od dana njegove objave (29.10. do 07.11.2009. godine), a u slučaju nedovoljnog odziva poslodavaca koji ispunjavaju i prihvaćaju sve uslove ovog javnog poziva, njegovo trajanje će se produžiti do popune utvrđene kvote pripravnika u konkretnoj općini ZE-DO kantona.

Nepotpune prijave neće se razmatrati.

Aplikacije po ovom Javnom pozivu podnose se neposredno ili preporučeno poštom u sjedište Službe u Zenici, na adresu: ul. Adolfa Goldbergera br. 6; 72000 Zenica ili u nadležni Biro za zapošljavanje.

Sve detaljnije i bliže informacije poslodavci i nezaposlena lica mogu dobiti u sjedištu Službe u Zenici ili nadležnim Biroima rada.